

**Tsab Ntawv rau Niam Txiv Qhia Txog Wisconsin Cov Kev Txhawb Uas Qhia Tsis Tau Rau Tsev Kawm Ntawv Qib
Siab/Cov Kev Txhawb Uas Tsis Tsim Nyog Tau (Non-College Reportable/Ineligible Accommodations):
Tus ACT Plus Writing thiab ACT WorkKeys
Cov Kawm Lus Askiv**

Hawm txog Niam Txiv los sis Tus Neeg Saib Xyuas:

Ua ib feem hauv Wisconsin txoj kev ntsuam xyuas thoob plaws hauv xeev, koj tus me nyuam kawm qib 11th yuav xeem tus ACT Plus Writing thiab tus ACT WorkKeys thaum lub caij nplooj ntoos hlav no. Cov kev xeem no ntsuas txog seb koj tus me nyuam tau kawm dab tsi thiab yuav muab cov lus qhia txog koj tus me nyuam txoj kev npaj tau mus kawm ntawv qib siab tom qab kawm tas high school los sis kev npaj tau mus ua hauj lwm. Cov qhab nias tau los ntawm tus ACT yuav siv tau rau ntau yam xws li nkag rau ib lub tsev kawm ntawv qib siab thiab tej co tsev kawm hauj lwm (technical schools), cov ntawv thov nyiaj pab kawm ntawv, thiab kev tsim nyog rau hauv lub koom haum National Collegiate Athletic Association (NCAA). Koj tus me nyuam tseem yuav tau ib daim ntawv kawm tiav hu ua National Career Readiness Certificate (NCRC) los ntawm WorkKeys txoj kev ntsuam xyuas. Daim ntawv kawm tiav no yog siv los ntawm tej co chaw ua hauj lwm kom paub tseeb tias cov neeg ua hauj lwm tom ntej no muaj cov kev txawj uas tsim nyog los ua txoj hauj lwm uas lawv thov ntawd.

Yuav kom siv tau cov qhab nias no rau cov laj thawj uas tau hais los saud, koj tus me nyuam yuav tsum tau xeem raws li tau txiav txim los ntawm ACT, Inc. thiab Wisconsin Tuam Tsev Xyuas Txog Kev Qhia Ntawv Dawb. Tej co kev txhawb xws li zaum pem hauv ntej los sis nws xeem nws ib leeg kheej mas hu ua cov kev txhawb uas tau kev pom zoo hauv zos. Cov kev txhawb uas tau kev pom zoo hauv zos mas muaj rau txhua tus tub ntxhais kawm ntawv (saib lub ntsiab txhais txog kev txhawb uas tau kev pom zoo hauv zos uas nyob rau hauv qab no). Lub tsev kawm ntawv yuav ua tau cov no yam uas tsis tas tau kev pom zoo los ntawm ACT. Cov qhab nias no mas yuav qhia tau rau tsev kawm ntawv qib siab thiab yuav tau daim ntawv kawm tiav uas siv tau thoob plaws hauv teb chaws (national certification). Feem ntau cov tub ntxhais kawm ntawv, nrog rau cov tub ntxhais kawm ntawv uas nws thawj hom lus tsis yog lus Askiv, yuav xeem cov no li txhua tus los sis nrog kev txhawb uas tau kev pom zoo hauv zos.

Cov kev txhawb uas ACT pom zoo rau mas tsuas yog rau cov tub ntxhais kawm ntawv uas muaj kev tsis taus uas muaj ib Daim Ntawv Teev Kev Kawm Ntawm Tus Kheej (Individualized Education Program) (IEP) los sis daim 504 plan. Yuav tsum tau thov kom muaj cov kev txhawb no los ntawm qhov teb ib co ntawv thiab xa cov ntaub ntawv pov thawj mus rau ACT kom lawv pom zoo rau. Cov qhab nias tau los ntawm qhov muaj cov kev txhawb uas tau kev pom zoo los ntawm ACT mas yuav qhia tau rau tsev kawm ntawv qib siab. Tiam sis, qhov tias yog neeg kawm lus Askiv mas tsis tsim nyog rau hom kev pab no. Tsuas yog cov tub ntxhais kawm ntawv uas kws kho mob tau tshuaj ntsuam pom tias muaj kev tsis taus mas thiaj li tsim nyog rau cov kev txhawb uas tau kev pom zoo los ntawm ACT.

Muaj ib hom kev txhawb hu ua ACT txoj kev txhawb uas qhia tsis tau rau tsev kawm ntawv qib siab uas muaj rau cov tub ntxhais kawm ntawv uas yog cov neeg kawm lus Askiv. Yog hais tias siv cov kev txhawb uas qhia tsis tau rau tsev kawm ntawv qib siab, cov qhab nias ntawm tus ACT mas yuav qhia tsis tau rau tsev kawm ntawv qib siab thiab yuav siv tau rau hauv xeev txoj kev qhia tawm nkaus xwb. Yuav kom tau daim ntawv National Career Readiness Certification hauv tus ACT WorkKeys, yuav pub siv cov phau ntawv ua lwm hom lus txhais uas yog lus txhais lus. Tseem pub sau thiab/los sis hais cov lus qhia xeem ua tus tub ntxhais kawm ntawv hom lus. Cov kev txhawb hauv tus ACT WorkKeys uas ua rau cov qhab nias tsis tsim nyog tau daim ntawv National Career Readiness Certification muaj xws li: txhais ntawv los sis txhais lus ntawm cov nqe xeem, pub siv cov phau ntawv txhais uas muaj txhais lo lus, los sis pub siv cov twj uas pab los sis cov rooj ntawv leb.

Thov xav txog tag nrho cov lus qhia no ua ntej txiav txim tso koj tus me nyuam mus xeem uas siv cov kev txhawb uas qhia tsis tau rau tsev kawm ntawv qib siab. Koj yuav tsum tau sau ntawv tso cai. Cov lus qhia tseem ceeb txog koj tus me nyuam txoj kev kawm thiab kev npaj tau mus kawm ntawv qib siab tom qab kawm tiav high school thiab npaj tau mus ua hauj lwm mas yuav muab tau los ntawm qhov xeem cov no uas siv cov kev txhawb uas qhia tsis tau rau tsev kawm ntawv qib siab, tiam sis muaj ib co kev txwv uas koj yuav tsum tau ras txog: Cov lus qhia saud yog ib qho qhia luv luv txog cov kev txhawb hauv tus ACT. Thov mus xyuas cov vas sab (websites) hauv qab no yog xav paub ntiv thiab tham txog cov kev txiav txim no nrog koj tus me nyuam tus kws pab tawm tswv yim hauv tsev kawm ntawv, cov kws qhia ntawv los sis cov neeg khiav dej num hauv tsev kawm ntawv.

Cov ntsiab txhais uas tseem ceeb:

Cov Kev Txhawb Uas Tau Kev Pom Zoo Hauv Zos: Tus tub ntxhais kawm ntawv yuav tsum tau xeem raws sij hawm li txhua tus, yuav tsum tsis muaj sij hawm so ntxiv, thiab yuav tsum tau siv phau ntawv xeem uas ntaus cov ntawv loj li niaj zaus (10-point). Kev xeem yuav tsum tau xeem hauv thawj hnub xeem los sis hnub rov xeem dua rau cov tsis tau xeem thiab cov kev txhawb yuav tsum tau xwm yeem nrog tus tub ntxhais kawm ntawv daim hom phiaj kawm ntawv uas nyob hauv tsev kawm ntawv. Ntxiv thiab, cov kev txhawb yuav tsum tau tsis txhob cuam tshuam los sis pab tau nws ntau dua lwm cov tub ntxhais kawm ntawv

Cov Kev Txhawb Uas ACT Pom Zoo - Tau cov qhab nias hauv tus ACT uas qhia tau rau cov tsev kawm ntawv qib siab, cov koom haum pab nyiaj kawm ntawv, thiab lwm cov koom haum *ntxiv nrog rau* qhov siv rau xeev txoj kev xeem. Tsuas yog cov tub ntxhais kawm ntawv uas kws kho mob soj ntsuam pom thiab muaj pov thawj tias muaj kev tsis taus thiab tau cov kev pab hauv tsev kawm ntawv mas thiaj li thov tau cov kev txhawb uas ACT pom zoo.

Cov Kev Txhawb Uas Qhia Tsis Tau Rau Tsev Kawm Ntawv Qib Siab thiab Tsis Tsim Nyog Tau - Tau cov qhab nias hauv tus ACT thiab ACT WorkKeys uas tsuas siv rau xeev txoj kev xeem xwb. Cov qhab nias tau yuav qhia tsis tau rau tsev kawm ntawv qib siab thiab yuav tsis tau daim ntawv NCRC. Cov kev txhawb rau tus ACT Uas Qhia Tsis Tau Rau Tsev Kawm Ntawv Qib Siab mas tsuas muaj rau cov tub ntxhais kawm ntawv uas muaj kev tsis taus uas tsis tau txais kev pom zoo rau cov kev txhawb uas ACT pom zoo los sis Cov Kawm Lus AsKiv uas tau txais kev pab hauv tsev kawm ntawv.

<http://dpi.wi.gov/assessment/act/accommodations> <http://www.act.org/aap/wisconsin/act.html>
<http://dpi.wi.gov/assessment/act>

**Wisconsin Daim Ntawv Qhia Txog Cov Kev Txhawb Uas Xeev Pom Zoo rau Cov Kawm Lus Askiv:
Tus ACT Plus Writing thiab ACT WorkKeys**

LUS CIM: Yuav tsum tau teb daim ntawv no rau txhua tus tub ntxhais kawm ntawv uas yuav koom rau hauv Xeev Wisconsin Txoj Kev Xeem uas siv Cov Kev Txhawb Uas Qhia Tsis Tau Rau Tsev Kawm Ntawv Qib Siab nrog Tus ACT Plus Writing thiab/los sis Cov Kev Txhawb Uas Tsis Tsim Nyog Tau nrog ACT WorkKeys. Cov qhab nias ACT uas tau thaum siv Cov Kev Txhawb Uas Qhia Tsis Tau Rau Tsev Kawm Ntawv Qib Siab yuav **TSIS** qhia rau cov tsev kawm ntawv qib siab, cov koom haum pab nyiaj kawm ntawv, los sis lwm cov koom haum los ntawm ACT thiab tsuas yuav siv rau hauv xeev txoj kev thaj tsob nkaus xwb. Cov qhab nias ACT WorkKeys uas tau thaum siv Cov Kev Txhawb Uas Tsis Tsim Nyog Tau mas **TSIS** muaj cai tau daim ntawv National Career Readiness Certification. Yog xav tau kev pab taw qhia ntxiv txog cov kev txiav txim hais txog Cov Kev Txhawb Uas Qhia Tsis Tau Rau Tsev Kawm Ntawv Qib Siab, thov mus saib cov ntaub ntawv thiab cov phau ntawv qhia uas nyob rau ntawm: <http://www.act.org/aap/wisconsin/act.html>, thiab <http://dpi.wi.gov/assessment/act/accommodations>.

TSIS txhob siv daim ntawv no los thov Cov Kev Txhawb Uas ACT Pom Zoo.

- Cov Kev Txhawb uas Qhia Tsis Tau Rau Tsev Kawm Ntawv Qib Siab /Tsis Tsim Nyog Tau mas tej zaum yuav muab rau:
- Cov tub ntxhais kawm ntawv uas muaj kev tsis taus uas muaj ib Daim Ntawv Teev Kev Kawm Ntawv Tus Kheej (Individualized EDucation Programs) (IEP) los sis Section 504 Cov Hom Phiaj Los Txhawb Tus Kheej (Individualized Accommodation Plans) (IAP) thiab tsis muaj los sis tsuas muaj ib feem li qhov yuav tsum tau muaj hauv kev tsim nyog rau tus ACT rau kev xeem uas siv Cov Kev Txhawb Uas ACT Pom Zoo. Cov ntawv thov cov kev txhawb uas ACT pom zoo mas yuav tsum tau xa tuaj ua ntej yuav txiav txim siv cov kev txhawb uas Qhia Tsis Tau Rau Tsev Kawm Ntawv Qib Siab. Yog tias tsis thov cov kev txhawb uas ACT pom zoo rau cov tub ntxhais kawm ntawv uas muaj kev tsis taus mas tej zaum yuav muaj kev txhawj xeeb uas muaj feem rau qhov tias muaj kev cais tshwj raws kev tsis taus.
- Cov Kawm Lus Askiv (ELL) uas txawj lus Askiv hauv theem 1 txog 5 uas tau txais kev pab qhia lus hauv tsev kawm ntawv mas yuav thov tau cov kev txhawb uas Xeev Pom Zoo.

**Wisconsin Daim Ntawv Qhia Txog Cov Kev Txhawb Uas Xeev Pom Zoo rau Cov Kawm Lus Askiv:
Tus ACT Plus Writing thiab ACT WorkKeys**

A. Cov Lus Qhia Txog Tus Tub Ntxhais Kawm Ntawv

Tus Tub Ntxhais Kawm Ntawv Lub Npe: _____ Tsev kawm ntawv: _____
Hnub yug: _____ Cheeb tsam tsev kawm ntawv: _____

**B. Tsim nyog rau tus ACT Plus Writing Cov Kev Txhawb uas Qhia Tsis Tau Rau Tsev Kawm Ntawv Qib Siab
thiab/los sis tus ACT WorkKeys Cov Kev Txhawb uas Tsis Tsim Nyog Tau**

Tsuas yog cov tub ntxhais kawm ntawv uas muaj ib daim IEP, Section 504 IAP, los sis cov uas paub lus Askiv me me (LEP) mas thiab li tsim nyog rau Cov Kev Txhawb uas Qhia Tsis Tau Rau Tsev Kawm Ntawv Qib Siab rau tus ACT thiab tus ACT WorkKeys Cov Kev Txhawb Uas Tsis Tsim Nyog Tau. Qhia seb tsim nyog li cas:

IEP Section 504 IAP ELL (ELP 1-5)

**C. Tus tub ntxhais kawm ntawv yuav xeem nrog Wisconsin Cov Kev Txhawb uas Qhia Tsis Tau Rau Tsev Kawm
Ntawv Qib Siab thiab/los sis tus ACT WorkKeys Cov Kev Txhawb uas Tsis Tsim Nyog Tau**

Tus ACT Plus Writing Tus ACT WorkKeys Tus ACT Plus Writing THIAB Tus ACT WorkKeys

**D. Rau cov tub ntxhais kawm ntawv uas muaj kev tsis taus uas xeem es siv Cov Kev Txhawb Uas Qhia Tsis Tau
Rau Tsev Kawm Ntawv Qib Siab, puas tau xa cov ntaub ntawv pov thawj mus rau ACT uas thov Cov Kev Txhawb
Uas ACT Pom Zoo?**

Xa lawm
Tsis tau xa (Yog tias tsis tau xa, muab ib daim ntawv nrog nov uas piav qhia seb yog vim li cas)

Tus Tub Ntxhais Kawm Ntawv thiab Niam Txiv/Tus Neeg Saib Xyuas Kos Npe (Yuav Tsum Tau Ua)

Kuv lees tias tus tub ntxhais kawm ntawv no yuav xeem uas siv Cov Kev Txhawb Uas Qhia Tsis Tau Rau Tsev Kawm Ntawv Qib Siab hauv tus ACT thiab/los sis Cov Kev Txhawb uas Tsis Tsim Nyog Tau hauv tus ACT WorkKeys. Kuv nkag siab tias cov qhab nias hauv tus ACT uas tau thaum siv Cov Kev Txhawb Uas Qhia Tsis Tau Rau Tsev Kawm Ntawv Qib Siab **mas yuav tsis qhia rau cov tsev kawm ntawv qib siab, cov koom haum pab nyiaj kawm ntawv, los sis lwm cov koom haum los ntawm ACT thiab Cov Kev Txhawb uas Tsis Tsim Nyog Tau yuav tsis tau daim ntawv National Career Readiness Certification.** Yuav tsis ua daim ntawv qhia txog seb tus tub ntxhais kawm ntawv xeem tus ACT Plus Writing tau li cas rau cov tub ntxhais kawm ntawv uas xeem uas siv Cov Kev Txhawb Uas Qhia Tsis Tau Rau Tsev Kawm Ntawv Qib Siab. Yuav xa ib tsab ntawv nrog daim ntawv qhia seb tus tub ntxhais kawm ntawv xeem tau li cas mus rau lub tsev kawm ntawv thiab tus tub ntxhais kawm ntawv thaum lub caij ntuj sov.

Tus Tub Ntxhais Kawm Ntawv Kos Npe

Hnub Tim

Niam Txiv/Tus Neeg Saib Xyuas Raws Cai Kos Npe
(yuav tsum tau muaj yog tias tus tub ntxhais
kawm ntawv muaj hnub nyooog 18 xyoo rov hauv)

Hnub Tim

**Yuav tsum tau tso ib daim qauv ntawm daim ntawv no rau hauv tus tub ntxhais kawm ntawv cov ntaub ntawv.
Yuav tsum tau muab cov qauv rau tus tub ntxhais kawm ntawv/niam txiv/tus neeg saib xyuas thiab rau tus Tswj
Xyuas Kev Xeem Tus ACT hauv lub tsev kawm ntawv high school.**

**Tag nrho cov ntawv xeem uas siv Cov Kev Txhawb mas yuav tsum tau yuav hauv online los ntawm lub Tsev Kawm
Ntawv Tus Tswj Xyuas Kev Xeem Tus ACT.**